一 國 學 小 叢 書

孫統修著

考

The second second second second second second second second

Designation of the second seco

小 國 叢 主著 編作 者者 國 王孫 雲 毓 五修 雕 商務印書館發行



中國雕板源流考目錄

自	装 打::::	紙:	刻印	朱墨	巾廂	活字	坊刻	家塾	官本…	雕 板
錄		•	刻印書籍工價	朱墨本	巾廂本	活字印書法…	坊刻本	家塾本		雕板之始…
	•		價		•					•
	•		•						•	•
	•								•	
			•	•						•
	•					•				
	•	•	•				•			
_				^`					•	
		•	•	***	•			•	•	
					•			•		
	L\ -	: 五 二 .	:: 五 〇	四九	…四七	…三七	二次		四四	

中國雕板源流考

雕板之始

世 言書籍之有雕板始自馮道其實不然。 監本始馮道 耳。 以今考之實肇。 自隋 時行於

唐世擴於五代精於宋人

陸 深河 汾燕閒錄「 隋文帝開皇十三年十二月日勅廢像遺經 悉令 雕造。

}敦 **X煌石室書錄** 大隋永陀羅尼本經上面左有施主李和 順 行右有王文沼雕 宋

太平與國五年翻雕隋本」

按 費長房歷代三寶記亦謂隋代已有雕本是我國雕板託始於隋而實張本於漢靈帝時, 之弊熹平四年命蔡邕寫刻石經樹之鴻都門頒爲定本一時車馬闐溢摹搨而歸則有 頒諸 懲賄

(諸同好之意於雕板事已近三代漆文竹簡冗重艱難不可名狀)秦漢以還寝知鈔錄楮| 墨之

雕板之始

中

化, 功, 簡 乃 日 約 以 輕 廣。 省, 漢 視 唐寫 漆 簡 本, 爲 E 獪 便 用 医矣然繕寫難4 卷 軸。 抽 閱 卷 舒甚 成, 故非 爲 蘭臺 煩 重; 石室 收 集 整比, 一或侯 彌 王 之家, 費 辛 不能 勤。 雕 藏 本 聯 書。 自 合. 篇 有 卷, FII 裝 板文 册子, 明

成, 難 毀, 節費, 便藏, 四 善 具焉。 上 溯 周 秦, 下 視 天 代 其 巧 拙 爲 何 如

哉?

范攄雲 溪 友議: 約 干 尙 書泉, 苦水 龍 虎之丹十五 餘 稔; 及鎭江右乃大 延方術之士作劉宏

{傳。 雕 即 數千 ·本以寄 中 朝。

柳 |玭 ※: | 訓 {序: 唐末, 林葉 燕夢 語得 那「中 州 始有墨板多術 和 三 **年,** 在 蜀閱 書肆所鬻字書率雕 書。 本。

數

小

學

字

}國 是猗 {史 覺寮 **業報** 記: 唐末益州始有墨版。

按 唐 時 雕 本,宋 人已]無著錄: 者。蓋 經 五 李兵戈之後片紙隻字盡化雲煙上版」 季 即有雲山麓煙, 人等於三代之漆

十三行, 朝 此 與 縑 日本 毎 素, 行 可 所藏永徽六年 + 聞 五 丽 享, 不 字 可 見矣近有法 大 如 阿毘達磨 錢, 有 江陵楊 邊 線 大毘婆娑論刻 界 欄, 氏 藏 而 開元 無中 縫, 本均爲唐本之僅 報七 猾 唐 人 寫本 款 式, 作蝴 存 渚。 蝶裝墨影 去世 也開 ∘元 來傳 云 辭卷 是唐 後子 漫 署本 漶, 人 - 陶 不 雕 大淵 甚 本, 唐明 미 天路

Ż

始

門覺選刊行」云云,蓋不足信。略二年秋八月九日餘杭龍輿寺沙

三

雕 板 源 流 考

興治平以前猶禁擅鐫必須申請國子監熙寧以後乃盡弛此, 寍 中墨簡始於長與歷朝皆仿其故事蓋以頒一。。, 朝之定本而杜虚 造 之 弊 也。羅 願鶴 林 E

五代史「後唐明宗長興三年宰相馮道李愚請命判國子監 禁」按此例元世猶然其用意甚 賣。

宋

又「長興三 年二月中書門下奏請依石經文字刻九經 印版, 勅命國子監集博 田敏校正九經 刻板 士生 ED 蓰, 將 西

京石經本各以所業本經廣爲鈔寫子細看讀然後雇 召 能雕 字匠人各部隨帙 刻 即, 廣頒 天下。 如

觀, 諸色人要寫經書並須依所印**勅** 太常博士段顯路航, 尙 書 屯 田員 本不得更使 外郎 田敏充詳勘官; (雑本交錯: 其年四月 兼 委國子監於諸色選人中召 勅差太子賓客馬縞 能 太 書 常 Λ 派 端 陳

楷 寫出, 旋付匠 人 雕 刻。 毎 日 五 紙, 與 減 選。

今欲集學官校勘四經文字鏤板從之周廣順 叉: 漢 乾祐 元 年 閨 五 月, 國子 監奏 在 雕 印板 三年六月尚書左丞兼判國子監事田敏 九經內有周禮儀禮公羊穀梁四日 經, 進印板 未 有 印 门 板,

鶉德 經 部, 百 \equiv 册。 ,語 雅府 五元 監六 田月 敏丁 上巳 之, 42 又一 --海

本二 書 別年(五 雕九}經 ご月(字 原,{樣 註國 : 子 赐監 字言 廣尙 順書十 三孝 書論 爾册 與爾 册雅 經龜 會經 字。 要字 九按 所體 經玉 載訛 字海 叉鋏 様一 數請 成順 o 李 判年

成。 }册 {府 按 {九 {元 龜 {經 載 板, 自 敏 長 進 興 書 表 至 曰: 此, 歷 是, 臣 四 等 朝 漢唐 自 周晉 年經 長 七 輿 3 主 年, 開唐 運明 校 漢宗 府四 文同 勘 高長 雕 祖與 囙 天後 九 |經 福帝 書 隱清 帝泰 籍, 多, 乾晉 經 祐高 種以 ,三 注 周祖 繁 太天 多, 年 齟福 代 廣出 殊 運帝 邈, + 傳 寫 四 豼 年

漸 失 根 源臣 守官 膠 庠, 職 司 校 定, 求 援 據, 上 備 雕 鏤。 幸 遇 聖朝, 克終盛 事, 播 文 德 於 有 截, 傳 世 教

以

繆,

乃

景及

窮。 謹 具 陳 進。

}五 }代 會要: 顯德二 一年二月中 書 門下奏國子監祭酒尹拙狀 稱 準 校 經典釋文三 卷, 雕 造

即 板。

按 (經典釋文 未 畢, 宋 、監續成之。

邁容齊隨 }筆: 予家 有舊監本 周禮, 其末云 大周 廣 順 年 癸 丑: 五 月 雕造 {九 { 經 畢, 前 鄉

郭 魯列 宰 相 李穀、 范 質, 判 監 田 敏等 *衡名於後經# }典 {釋 {文 末云: 顯 徳六 年己未三 月, 太 廟

朱 延 書宰相 **范質王** 溥 如 前, 而 田 敏 以 II 部 尙 爲 詳勘官。 此 書 字畫 嚴 嚴 有楷法 更 無 舛

都 石 本 諸 經: 毛 詩、 · (養禮禮) 記, 皆秘 書省 秘 書 郞 張 紹文 書周禮 者, 校 書 省 校 書 郎 孫 朋 古 書。 周

者, 成 國 子 博 士 孫 逢吉 書。 尚書 者, 校 書 郎 周 德 政 書; 三爾雅者節 簡 州 平 泉 令 張 德 昭 書。 題 云: 廣 政 + 四

皇祐 方 畢 I, 殊 不 逮 前。

蓋孟

昶

時

所

鐫。

其

字

體

亦

精

謹。

兩

者

並

用

士人

筆

札,

猾

有

正

觀

遺

故不

庸俗,

可

以傳

遠唯三

傳

至

風,

王 明 淸 揮 · 隆 绿: 後 唐 平 蜀, 明 宗 命 太學 博 年會 作玉 ,要 **吳海** 非玉 書 倣 其 製 **造此**郡 ※作刊板於國子學 盤。 明

家 有鍔 書 狂 {經 即 本 存 焉。 後 題長 興二 年 也。 構與 寫五 |李 之代 鍔 雕海{五 成不{經, 之合 日。 也蓋 ∘此

清

傳 按个傳蜀 本已希故家 大字本 往往 有之學者。 {爾 {雅, 亦有 已不 _ 將仕 易見敦煌石室 郎守 國子 四 出金剛 門 博士 臣 }經 刻 李 本, 鵋 題 書 弟子 行。 歸 自 義軍 中 原 板 節 蕩, 使 南 特 渡 注 以

度

後,

檢校 太傅 曹元 忠, 普受持。 天 福 + 五. 年, 雕 板 押 衙 雷 廷 美。 五. 代 雕 本之見存 者 惟 此。

}天 {祿 {琳 {瑯: |句 中 正, 字 世 然, 益 州 華 陽 人。 孟 昶 時 授崇 文館 校 書 郎, 復 躯 進 士 及 第, 爲 潞 二州

田 錄 郞 事 中 叄 軍。 書。 後雍 精 於 熙三 字 學古文篆隸 年勑新校 定說文解字 行草 無 不 Ĭ. ·牒文, 太平 稱 輿 其 國 書宜 年, 付 獻 史館 八 體 仍令 書。 授 國子 著 作 監 佐 雕 鄓, 爲 直 即 史 板。 館, 依 歷 九經 官 屯

六

例, 許人納紙墨價錢收贖兼委徐鉉等點檢書寫雕造無仓差訛致誤後人」

朱史「趙安仁字樂道 河南洛陽人雍熙二年登進士第補梓州権鹽院判官會國子監 刻五

經正義板本以安仁善楷書途奏留書之」

按 錢大鏞 明文在凡例古書俱係能書之士各隨其字體書之無有所謂宋字也明季始有書工,

專寫膚廓字樣謂之宋體所見宋元刊本皆有歐趙筆意即坊刻亦皆活脫有麥態宋元時: 官私 刊本,

多記繕寫入姓名不但刻工 也如麻沙本文心雕龍末刻「吳人楊鳳繕寫」於雪齋集末刻「 至元

後己卯良月十日花谿沈璜伯玉書」宋元時刻工姓名皆記於板心或在上方或在下方蓋亦禮記

所稱「物勒工名以考其成」之意云。

蔡澄雞窗叢話「嘗見骨董肆古銅方二三寸刻選詩或杜詩韓文二三句字形反不知何用。

識者日此名書範宋太宗初年頒行天下刻書之式」

刻 板 按 |鮑昌熙金石屑載韓文銅笵「易奇而法詩正而葩春秋謹嚴左氏浮誇」四行張尗未云此 本 時官頒是器以爲雕刻模範考醇文始鐫於蜀則此固當是蜀主所命槧鑿者今蜀刻石經,

官本

初

中 國 雕 板 源流 考


蜀 槧 且 学

文 韓 秋正奇 登記 का को 嚴施法

鮑丈云審此文字惟大宋小宋家所刻之板字畫方得如此精好宋丈手題是匣云「蜀槧韓文範。 間遇墨本數紙好事者已矜爲至寶况爲梨棗之初祖乎鮑丈以文宋丈之山翁友海琛俱定爲書範。

王應麟玉海 · 藝文部 -「開運元年三月國子監祭酒田敏以印本五經字樣二部進凡一百三

十册。



叉: 媏 拱 元 年三月司 業 扎 維 等奉勅 校 勘孔 頪 達 狂 {經 }正 議百八十二 卷, 詔 國 子 監 鏤 板 行

易 則 維 等 四 À 校 (勘字說) 等 四 人 詳 勘又 再校, 十月板 成 以 獻。 {書 亦如之二, 年十 月以 獻。 春 秋 則

二人 校王 炳 等三人 詳 校, 邵 聲隆 再 校, 淳化 元 年十二 户 板 成。 {詩 則 李覺等 五 人 再校, 學道昇

人 詳 勘, 群定, 孔 維 等 五 人 校 勘, 淳化 以 獻。 \equiv 年 是 ·壬辰 年 刊 監 四 月 至,言 以 獻。 醴 記 釋文, 則 胡 尙 迪 等 五 有 訛 舛, 人 宜 詳 校, 更 加 紀 刊 自 成 定。 杜鎬、 等七 人 孫 奭 再 梭,

随正苦, 李 至. 等 學 強 淳 記, 化 請 命 五 之 年 覆校。 五 月 至 道 年, 至 請 |李 命 醴 部 義疏 侍郎 李沆, 校 理 杜鎬、 吳 淑, 直 講 崔 渥 佺、 孫 奭

校定。 成 平 元 年 正 月丁 丑, 劉 可 名上 言,詩 經 板 本 多 誤, 上 令 頤 正 詳 校 可 名 奏詩 書 正 義 差

月 庚 戌, 爽等 改 Ē 九十 四 字。 年, 祭酒 邢昺 代 領 其事 舒 雅、李 維、李 慕清、 王 渙劉 士元 預

五 經 IE }義 始

中 官 本 此 }儀 卽 ፟}禮 端 {疏 拱 四 帙, }五 極為 經 {正 愛重黃 義。 咸 平 丕 中, 又校 烈 }百 宋 刊 {七 廛亦 經 義 有 **}疏,** 此 朝 本, 野 黄氏 皆 遵 所詫 行 之馬氏 為奇 中之奇 寶中 載 其 之寶 先 公 得 者 景 也。 德 顧

李 易 安 倉 皇 避 寇 m 先棄 書之 盥 **本者錄** 序金 石 似 舊監本不爲當時 所 重。

f

本

九

傳毛詩音並拙等校勘。 **中**, 月年 亚拙等校勘建隆三年判監定 烈烈序錄易書周禮儀禮四 判監崔頌等上新校禮記釋文開 四經釋文皆田敏、 尹拙聶崇義校勘自是 年, 寍 陳 相

檵 鄂 與姜融等四 人校 〈孝經論〉 語爾雅釋文上之二月李昉 知制 寶 五 判

叉: 景德二年二月甲辰命 孫 <u>
東杜鎬校定莊子釋文</u>

叉: 爾雅音義 **卷釋智騫所譔** 吳鉉駁 其舛誤天聖四 年五 月戊戌國子, 監請 摹 印 德 明

}音

一卷頒行先是景德二年 叉: 四 月丁酉吳鉉言國學 板 本 爾雅 | 釋文 多誤, 命 杜鎬, 孫 奭 詳 定。

淳化 五 年七月詔選官分校 史記前 後漢 書杜鎬舒雅吳淑潘謨修校 少記朱節 再 校。 陳

充况思道尹少連趙况趙安仁孫 可校 前後 |漢 }書。

__

絫 此 卽 重刊 淳化校刊三史陳鱣簡莊藝文元本後漢書跋「 正 一行景 修改。 淳化 本卷末有『右奉淳化五年 七

月

二十 五 H 敕 徳中又加

年六月辛酉校南北史隋書 / 玉 咸平三年十月校三 國志晉唐書五年畢乾與 四 年十二月畢嘉祐六年八月校梁陳等書鏤板七年冬始 元年十月辛酉 校定後漢志 三十 集。 卷。 天

年七月陳書始校定」

案此 卽 嘉 林 校 刊諸史王應麟云 「唐書將別修不刻板」 陸心源皕宋 《樓藏書志 有宋 嘉 祐 杭

州 刊 本 新 **ি唐** {書, 前 有嘉祐 五 年六 月曾公亮進 書表 (則唐書 實同 時 刊行, 王氏 以 其 不 在 國 監, 故 未

之。 琳 瑯: 時官本 子書籍 紙 記 堅字 軟, 筆 畫 如 寫皆有 歐 虞 **法度避諱** 日精。 [謹嚴] 開 卷 種 書 香自: 生異 (味欽定天)

李心 書籍刊行大備 傳 朝野 · 雜 記: **哪要自宋始校** 監 本 書籍者紹明 (雌鐫鏤) 講究 興末 **汽车所刊也**5 Ц, 故今之言雕本 國家艱難以 來
固 者, 極 未暇 重宋 泛。 九 板而 年九 監本 月張 七一 彦

實待制爲尚書郎始請 〈經 無禮記 E 业史無漢書二十 下 十一年五月輔臣復以為言上謂周益公曰『監中其他闕 諸道 州 學, 取舊 監本 書籍鏤板頒行從之然所取 者多殘缺故胄監 R書亦令· 刊六 次第

板雖重有所費不惜也」由是經籍復全」

案 此 南宋 補 刊監本之大 略 也。 岳 珂 ·九經三傳沿革例謂: 紹典 初僅取刻板於江南諸州視京

師承平刻本义相遠」殆未之深考耳

遼史「興宗二十三年幸新秘書監。

官本

雕 板 源 流 考

遼 起沙漠太宗以兵經略方內禮文之事多所未備史記其藏書之府曰乾文閣聖宗開

年八月那沙國乞儒書詔賜易詩書春秋禮記各一部道宗清寧元年十二月詔設學頒諸經義疏。

此考之則, 亦必有雕本錢會讀書敏求記遼板龍龕手鑑跋云「統和十五年丁酉七月初一癸亥 沙門智光字法炬爲之序」

按耶

律隆緒統

道三年

母

后

旨, 國 勢強盛日尋干戈唯以侵宋為事。 而一 時名僧開 士相 和丁酉宋太宗至 與 探 學右文穿貫線之花翻 也是時契丹 多 羅 泛葉,

(序,垂: 此書於永久豈可以其隔絕中國 而易之乎沈存 中 言: 契丹 7.書禁甚嚴使 傳入 中國 者 法

皆

一殿天祿 談 今此· 琳娜 本 著錄, 獨 流 亦 傳 稱為僅見之本然原書作龍龕 於却 火洞 焼之餘摩 抄蠹簡靈光巍然, 手鑑此 洵希 本避諱作鑑已是宋人翻 世之 珍也」 云云後: 本安得 此 本 流 入昭 云遼

死。

板製

臺憫

忠寺

則 遼 板 竟不可 得 也。

金. 明 章 五年置宏文院譯寫經書。

按 金宏文院刻本未見流傳蓋所刻多譯本宜乎不見存於中原也近世著錄家多誤以元本爲

| 籍二十七年正月復立與文署掌經籍板文宗天曆二年二月立藝文監隸奎章閣學士院專元史「太宗八年六月立編修所於燕京經籍所於平陽世祖至元十年正月立秘書監掌圖元史「太宗八年六月立編修所於燕京經籍所於平陽世祖至元十年正月立秘書監掌圖

以國語敷譯儒書及儒書之令校讎者俾兼治之又立藝林庫專一 經 收貯書籍廣成局專 印 行 袓

宗聖訓凡國制等書皆隸藝文監。

案王士點秘書監志「至元十一年以與文署隸秘書監掌雕印文書三十年又倂入翰 林院。

集 大德十一年八月刊行孝經武宗至大四年六月刊行貞觀政要仁宗時刊行大學衍義列女傳。 良工, 刊 刻諸經子史板本以通鑑為起端。 其板至明初 尚在又刊蒙古文譯本見於本紀 者, 如 成宗

初年用許衡三 明史「洪武三年設秘書監丞典司經籍至是從吏部之請罷之而以其職歸之翰林院典籍 言取杭州在官書籍板及江西諸郡書籍板至京亦令興文署掌之。」

進覽。

十五年又設司經局屬詹事院掌經史子集制典圖書刊輯之事立正本副本以備 洪武 十五年諭 禮部今國子監藏板殘缺其命儒臣考補工部督修之二十四年再命頒

國子監子史等書於北方學校。

本

南 雍 *: 梓 刻 書本金陵 新志所載集慶路儒學史書梓數正與今同。 則 本監

國 子 學 而 來。 自後 一方で 多以書板送入洪武永樂時 兩經修補板旣叢 亂旋補旋亡成化 初,

史書禮部 祭酒 王與會計之已逾二萬篇。 議以 祭酒張邦奇司業江汝壁學博才裕使將原板刊補其廣東原刻宋史差取付監遼 宏治初始作庫供儲藏嘉靖七年錦衣衞閒住千戶沈麟奏准

一史原 無板者購求善本翻刻以成全史邦奇等奏稱史記前後漢書殘缺模糊剜補

易脫莫若

刻後邦奇汝壁遷去祭酒林文俊司業張星繼之方克進呈。

丙 善本書室藏書志「 明南監二十一史萬曆以來, 相隔又數十 · 年不 不 得不

重

新

鏤

板,

非

伊寶 特穆 之 遺 矣。 爾 為御史大夫括江南 有小字本史記元刊明: 諸羣書板及臨安秘 修三 國志則無從倂 書省書籍。 收彙 明史 一 太祖 太宗十二年 洪武 元 年 八 九 月,以 月, 大

軍 徐達 入元都 收 圖 籍。 -是宋 **元監造墨板盡** 一入南監南雍士 {志 所謂 本 監 所 藏 諸 梓, 多 自 舊 國

酒 m 吳士元司業黃錦也自萬曆二十四年開雕閱十有一載至三十四年竣事皆從南監本繕 來。 一个行 世之宋雕 明 修元雕明 修諸本之所 由 來也」又云「北監二十一 史奉 勅重 修

寫刊刻雖行款較爲整齊究不如南監之近古且少譌字」

片至浮屠十七片孟四元賦 **}**欽 日下舊聞錄引天下書目: 「北京 國子 監板書有喪禮 十七片韻略四 一千六百八十二片類林詩 o藏 之 十五片珍珠囊八十二

明史藝文志「明御製詩文內府鏤板」

以 如 偷出貨賣拓黃之帖公然羅列 總 玲 致 其 治之官綜核齊理又無簿籍· 事而掌 瓏 無 **劉若愚酌中志「 、晒處**, 板者, 「有塵黴 ·司監工 溼損模糊甚 是以居官經營者多長於避事而鮮諳大體故無怪乎泥 分其細 如泥板者放失虧缺, 內 板經 至擘毀以禦寒, 也自神 於市 書記 書目可考以憑銷算蓋內官發跡, 路凡 **、肆中**, 廟 静 攝年久講幄 司 日甚一日若以萬曆初年較蓋已什減六七矣旣無多學 去字以改作即庫中見貯之書屋漏浥損鼠嚙蟲巢有 而有寶圖 禮 監 經 書, 厰 塵封, 再 庫 無人敢詰其來自何處者或占空地 內 右文不終官如傳含途多被匠 所 藏 本不 **離宗累朝** 由此, 沙 说视之也的 傳 而貧富升沈又全不關 遺秘: 然既屬內廷庫 典書籍皆 夫 廚 提 爲 蛀

本

在外之儒臣又不敢越 . 俎條陳曾不思難得易失者世間書籍爲最甚想在天之靈不知如何其恫

然歎 息 也按古文眞寶古文精粹二書皆出老學究所選纍臣欲求大方明白上水頭古文選爲入

門再 將 宏肆 上水頭古文選為極則起自檀弓選左國史漢諸子共十七八唐宋十二三為一種再

將洪 泜 以來程墨垂世之稿亦選出一 半為入門一半為極則亦為一種四者同成二帙以範:

內 臣。 奏知聖主發司禮監刊行用示永久不知得遂志否也皇城中內相 學問讀四書書經詩經看

性理 通鑑節要千家詩唐賢三體詩習書柬活套習作對聯 再加以古文眞寶古文眞粹: 盡之矣十

分聰明有志者看大學衍義貞觀政要聖學心法綱目盡之矣說苑、 紀新序亦間 ·及之五經大全文獻

難 {通 字,{考 `涉獵者亦寡也此皆內府有板之書也先年有讀等韻海篇部 頭以便 檢 **| 查難字凡不** 知 典故

必自己搜查不憚疲苦至於周禮左傳國語國策史漢一 則內 府 無 板, 則 繩 於陋 習, 概 不 好

本抄 緣 心氣 本 高滿, 雜 書, 勉強拱高了 不能 編開 外按現今有板者譜列 丽 無虛己受善之風也三 於後, 一國志通 即內府之 俗演義韻 經書則 府 {例 羣玉, 也。 皆樂 看 一愛買 者 也。

按劉若愚所 列內板書目凡 一 百六十餘部與周弘 祖古今書刻所載互有不同。

清王嘯亭雜錄「崇德四年文廟患國人不識漢字命巴克什達文成公海繙譯國語 四

|國志各一部預賜耆舊以爲臨政規範定鼎後設繙書房於太和門西廊下揀擇旗員 单

濟文者充之無定員凡資治通鑑性理精義古文淵鑒諸書皆繙譯清文刋行。

吳長 |元宸垣識略「武英殿在熙和門西南向崇階九級環繞御河跨石橋三前爲門三

間,內內

殿宇前後二重前貯書板北爲洛德堂即修書處其後西爲井亭」

欽定日下舊聞錄: 國子監葬倫堂後為御書樓內尊藏聖祖 御製文集世宗御製文集板及

纂諸經十三經二十二史各板本皆貯焉。

案武英殿刻書未知始於何時今考御定全唐詩及歷代詩餘皆刊於康熙四十五六年而 何義

門在康熙四十二 諸渝旨者三年雕十三經注疏四年明史雕成續雕十一史十年雕明紀綱目十一 年已兼武英殿纂修則 由來已久今考東華錄 正續乾隆 朝在武英 年雕國 殿 開 {語 雕 解十二 E籍,

年雕三通四十八年雕相臺五經嘯亭雜錄云: 定頒行儒官以爲士子模範」今按皇朝通考及劉錦藻皇朝續通考藝文志所載當時欽 「列聖萬幾之暇博覽經史爰命儒臣選擇 簡 親 爲

官 本

中 团 雕 板 澒 流 考

書名凡經 類 二十六部, 史 類六 十五部子類三十六部集類 二十部凡一百四十七部古今刻書之多,

十八

未 有若淸朝者也古香齋 袖珍 本十種當亦刻於武英殿活 本珍 字板 類書 o詳 見

陳騤

中興館閣續

}錄: 秘書郎莫叔光上言『今承平滋久四方之人益以典籍爲重凡搢紳

家 世 |所藏||善本外之監司郡守捜訪得之往往鋟板以爲官書』其所在各板行。 李心傳朝野雜記: 「王瞻叔爲學官常請摹印諸經疏及經典釋文貯郡縣以贍學」

中興館閣續錄「 搜訪庫有諸州印板書籍六千九十八卷一千七百二十一册。

朱子大全集: 「按 唐仲友狀蔣輝 供去年三月內唐仲友叫上輝就公使庫 開 雕 揚子荀子等

板, 輝共王定等 一十人 在 局開 雕。

即

司 漢書江 按 唐仲友所刊荀子今尚 西 漕 司 本三 國志, 有傳本其他監司 湖 南 漕 使本 賈子新書孫大正温陵州本讀史管見越州 郡守 刻本傳者有眉山七史耿秉 桐 3]1 蓬萊閣 郡 史記, 本論 湖 北

也。{衡, 清縣學眞 西山 讀 書記與國學春秋左傳書義宜 春郡齊 春秋分記衡州郡庠四書皆宋時官本

金史「金太宗八年立經籍所於平陽刊行經籍」

河東。 条金 故於 此 初 設 以 平陽 書。 爲 次 府, 置 肆, 建 雄 軍 於此。 節 度 使。 天 (會六年7 代, 升總 督府, 蔉, 置轉 運 使, 爲上府。 也。 衣 公冠文物: 甲

錄: 局 H 金 本 新 時 刊 坊 部 亦萃 略,錢 至於元 跋 云: 其風 **—** 向 讀 未 崑 亦 顧氏, 泂 北 之 麻 河 氏, 建 陽 毛氏,

道 何 氏 許 眞 論 序, 人 韻, {楹 知此 平水 | 書隅 謂今韵之幷始於平水劉閱。 書 何 為 地 也頃 平 水 吳門 書 _ 王文 黄 ₹禮 義圃 ~ 韵 郁 所定。 孝廉 其 、書名壬子 卷末 得 大昕 平 水 有墨 新 新 圖 刻 刊 一韵略元槧-記二 禮 部 一行, 其 韵 }略, 山 本急 文 訪 云: 求 假 藏 秀 _ 大德 《書家邈》 艜 水 朱 讀 丙午 之,前 不 蕭 重 可 載 山 刊 得。 正 新 大六 未 本, 審 毗 年 平 劉 陵 水 許 閱 邵

中 和 軒 王 宅 即。 是此 刊 刻 於金 正大己丑, 重 刊於元 大德 一 一 一 一 一 一 一 一 和 軒 王 宅或 即文郁 之 後

卽 許 平 序 陽 稱 平水 也。 或漢 以書 籍 平地 王 陽理 文 近志 郁, 水, 初不 之堯 ·可 解。 處都 謂平 之水 平之 水陽 ~ 頃讀金 也, 也,{史 。金}地 理志 史言 平陽府 有 書 籍 者, 有 書籍。 蓋置 局 其倚郭平陽 設官於此, 有 元 太宗 平水 是 八 年, 平 水 用

耶律 楚材 言, 經籍所 於 平陽。 當是 因 金之舊然 則 平 水 書 籍 者。 殆文郁之官稱 耳。

案平水為金元 時官民 雕 板之所道德寶章卷尾有木記 題 金正 大戊子平水中 和 軒 王

官本

中 國 雕 板 源 流

木 刊。 重 |修 證 書 類 原委, 本 ,草 末署大德己亥平水曹氏進德齋謹誌論語註疏解經有 爲 金 泰 和 甲子刊 本。 **※**證 類本 草增附沿 行義, 大德 丙午 平水 許 宅 即。 爾 雅 註 刊, 序 後

|梁宅 刊 字 樣。

記

序

錄

刻

元史: 仁宗朝集賢大與 學士庫春言唐陸淳著春秋傳例辨疑微旨三書有益後學請

西

行 省鋟梓以廣其傳從之」

倪燦宋史藝文志補序「 郡邑儒生之著述多由本路進呈下翰林看詳可傳者命江 浙 行

或所 在各路儒學刊行故何王金許之書多賴以傳鄱陽馬氏通考且 出於羽流 之薦 達。 可 謂

一 書院, 元瑞 則僅 州 路 }西 漢 學刊 書而! 本隋 已嘗嘆安得安西 書歐 郷周自周序「曩序錄 書院所 刊 盧陵 經史, 史會為全書令教瑞學有) 有 而 通 無 《西漢及長鷺 全 文, 又在

十七史 安有史記東西漢書赣學有三國志臨江 外至順一 壬 申 夏, 口 奉 Ц̈́]省憲令備質 路學唐書 儒 學提 舉。 撫 高 承事 學五代史餘缺晉書南史北史隋書若令龍 言十七史書 書本極 少江 西 學 院 惟 吉

平陽府梁宅

昌路 學刊 晉書建昌 路學 刊南北史瑞州路學刊 隋曹便如其請俾行之無怠。 府委 錄 事 歐 陽 將 仕

同 召 匠 計 工周教授事 專校 勘刊雕提舉 使 (个自尋善本本學 首訪 到 建 康 本十七史內隋 {書, 考 訂

免,刻 畫 粗 率句字差訛。 後得袁趙 氏本頗善今所校定又千有餘 字。

陸心 源 皕宋樓藏 書: 元本北史有: 大德 丙午建康道 機諸路 Ħ 史兩漢則太平路三 或

則 池 路, 袁恬書隱叢說: {隋 曹則瑞 說「官書之風至明極盛內而」州路北史則信州路唐書則平 南 江 路。

任, 北兩京外而道學兩署無不盛行雕

造。

官

司

至

亦

能於養

數卷新書與 土儀並充魄品稱爲書帕本。

處 優之餘, 按明時官司衙署刊本周弘祖古今書刻略載之明祖分封諸王各賜宋板書帖諸王 校刊古籍模印精審至今見稱如 瀋唐路晉徽益諸藩皆有傳刻淸 二百七十年中官署

學校 所 刻尤 多。 奪

況 周 儀蕙風 簃 (筆: 成豊十一 年八月2 會文正克復安慶部署觕定命莫子偲大令采訪遺

書。 旣 復 江寧開 局於冶城山此江南官 書局 之俶落 也。

官 本

四部書亦復不少矣。

按自同治己日江寧蘇州杭州武昌同時設局後淮南南昌長沙福州廣雅濟南成都機起所刻

五代史和 **疑**傳: 集百餘卷自鏤板行 世。

王 明 清揮 · · · 上 上 上 登 : 蜀 相母公蒲津 t人先為布: 衣嘗從人借文選初學記多有難色公數曰:

因命 千金子孫祿食嗤笑者往往從而假貸焉左拾遺孫逢吉詳言其事如此」、 什八九會藝祖好書命使盡取蜀文集諸印本歸闕忽見卷尾有母氏名以問 余貧不能 《錢自造》: I Ħ 力致他日 夜雕板印成二 藝祖甚悅即令以板還母氏是時其書編於海內初在蜀雕印 稍達, 願刻板印之庶及天下 **曹復雕九經諸史西蜀** 文字 學者」後公果顯於蜀乃曰: 由此 大興泊蜀歸宋豪族以 之日衆嗤笑後家累 歐陽 『今可以 炯炯曰: 財賄禍 酧 夙 其家 願 此 矣。 母 者

板成未及印其書途不傳其所援引多奇書廖羣玉諸書則始開景福草! 而文可採江子遠字群父諸公皆有跋九經本最佳凡以數十種比較, 周密癸辛雜識: 賈師憲選十三朝國史會要諸雜說如會慥類說例為百卷名悅生堂隨: }編 備載江上之功事 成以 3鈔。

) 百餘

人校正

而後

撫州

萆 鈔 紙 油 烟 墨 印 造, 其 裝 池 至 以 泥 金爲籤。 然 或者 借其 删落諸經注, 反不 岩韓 柳 文 為精 妙又 有

禮 節 左 傅 節諸 史 {要 `路, 叉 在 建 寧 開 文選, 其 後 **文**欲 開 手節十三 經 注 疏 姚 注 戰 國策 注 坡 詩

未 及 入 梓, 而 國 事 異 矣。

故令 家宜 塾輿 按 以有 宋 荆珂 時 溪父 家 爲霖 刻 名墓 善 本, 傳 者 頗 多, 如 相 臺 岳 氏 珂 刻 五 {經, 人天 ,滁 故琳 以璐 相書 臺目 表: 望岳 0 珂 南乃 渡飛 後孫 ,本 徙相 常州 州湯 ,陰

書 宅 刻 }北 碉 文 集, 祝 穆 刻 方輿 山 程 勝 }覽, 皆 非率 爾 雕 印 者。 ٨ 家塾 本, 如花 溪沈 }新 **}詠,** 寇約 伯 玉 家所刻之松

۰,

眉

舍

人

家刻東

都

事

略,

永

嘉

陳

歪

父

刻

玉臺

刻本

草

衍

義,

崔

尙

集, 字 倣 文 敏 最為 精 雅。

孫 慶 增 } 藏 書 · 紀 要: 洪武永樂 間所 刻之 書,倘 有古意。 至 於以下之板 更不 · 及矣。 况 明 季 刻 本

板, 至 金陵 繁。 自 板, 南 太平板 北 監 似蜀板/杭州刻本河, 舉, 板以至藩邸刻本學 板 河南 御 t刻本欽定 刻本延 陵板, (本各) 袁板, 學刻 本各 樊板錫安氏 省撫 按等官刻本; 板, 坊 板, 又有 板, 葛 閩 板, 陳 板, 明 浙 卿 板, 板,

內 廠 板, 陳眉 公 板, 胡 文焕 板 內府 刻 本, 閔氏 套 板 所 刻 不 能 悉數。 惟 有圧 板 翻 刻宋 本 史記 之

爲 最 精。 北監 板, 内 府 板藩 板行款字 **一脚不同**食 板 **小**精美 較之胡文煥, 陳眉 公所 刻之 書 多而

其外各家私刻之書亦有善本可取者所刻好歹不一耳稚川: 凌氏 與萬 板 無錯 誤, 可 作 本。

廣浙閩金陵 刻本 最惡 而多。 陳 明 卿 板, 閔氏 套板, 亦 平常。 汲 古 閣 毛氏所 刻甚 繁好 者 亦 僅 數 種。 有

稱訊 爲, 養養 按 刻蕘 朋 代家刻除 。圃 項子京餘 孫氏 論東 。觀 所引外, 菉 竹 堂, 其 祀刊 著 ∘拾 者 遺 尙 世德堂及刊 有 郭雲 鵬,柳所 治六子 遺記全 動 勝所 前 務 所 新 務 音 音 **諸家叢書起於朱元之**。。。。。。。。 集杜 。韓 汪文盛青 等兩 ○漢 顧 之間喻鼎孫之 元 慶, 文刊 房顧 小氏

諸收藏家皆喜刻書仿宋元本有絕精者校勘之勤更非前儒學警悟左禹錫之百川學海其最古矣虞山汲古閣毛晉 其最古矣虞山汲古閣毛晉 人所及如歉縣鮑廷博之知不足齋廣州 及其 《季子展刻》 至數百種, 行謂盛矣有淸

伍崇曜之粤雅堂皆以私家之力而刻書至數百種若刻至數十種者尤數見不鮮云。

坊刻本

字 所 廟 書, 祈 夢。 雕 字 觀 夢 刻。 即。 高 不 神 授 氏 能 賣, 始 云 云, 上 以 來歲 П, 於唐。 則 草 狀 宋 草 季, 初 命 元 至 已有 賦,宋。 筆 以 而。 而 害畢公 出。及 盛。 **___** 鑄 極。 矣。 唱名, 印賣新狀 鼎 象 皆被 物 文 虎蓼花 ڪ 爲 元賦, 題。 如 至 洲 元 乃 後 御 }閒 徐 弒, **绿**; 世 奭 即 題 群 也。 果 賣 符 旣 出 鄉 }鑄 會 見 中, 即 鼎 弒 西 蜀二 卷 賣 象 之 賦, }物 比 舉 例, }賦, 坊 韵 人 廟 刻之 脚 中 至 所 劍 盡 同。 門 見 可 者, 思 張 惡 無 廟 中 /子

趙希鵠洞天淸祿集『鏤板之地有三吳越閩』

工辛 , 木 之川 子堂 畢酉 見記 稱統 ○重 按 ,季 在應 ,部 刊床 把夏 廣是 得表 時 都當 名, 書 源 鐫至 縣時 最載 肆 蔡 有 手成 北装 古益 潛 曹淳 門姓 道 ∘州 牌 子 仁甲 斐書 宋蜀 宅 o戌 宅肆 時郡 墨 可 一仲 印所 鏤, 堂, 考 賣標 板東 子刊 者, 如 稚 o 管 ,晉 IJII 0 , 一亦 世 蜀分 廣 王 最成 氏 家 書廖 都 《梅溪精舍 稱都 傳 末世 裴 宅, 刻綵 善置 記堂 ∘懹 舛天 : 之 此寧 誤祿 記司 一例 ,琳 本始 魏 日馬 一氏 河也 字康 見瑯 氏 體二 在文 傳書 東。 梫儀 斐又 結郡 廣選 寶 氏一構, 都昭 書 堂光 考部 謹又 縣明 堂, 一宗 訂云 殿分 北序 秀 >廣門後 日壬 諸: 岩 一子 大一 鐫都 印有 書 稚刻 家此 刻縣 賣一堂, 川本 善集 工, -- 此 有增 本精 整置 木集 太修 世, 家有 ,加 ,寧 記精 竣互 命校 洵蜀 ∘加 丙註 工正 蜀郡 考校 午禮 Ħ, 一正 仲部 建 鐭, 之是 統, 安 於絕 夏韵 宋無 佳廣 志絕 秀略 劉 開舛 者都 ,無 岩後 lΗ

春慶 誤。

縣四 牌書

省三 建安鄭氏宗文堂會玉篇。建二三桂堂建邑王氏世翰堂建邑王 建寧府 氏隱 世末 翰堂鏤板「嘉 王八 郎 書鋪廣的 一祐 。二 。宋 建安王懋甫桂堂建 建安虞平齋務本 安王 默 甫 安青 集刊 刻錄 及校 梓後 分正 于有 類王 桂一

詩坡 ∘先 建 安愼 獨 齊建安 劉 未削 宅獨建安余氏 創業於唐歷宋元明 未替為 書 林之 最 古

九經 傅 沿革 例: 九經 世 所 傳本以與 國 厅氏, 建安余氏 爲 最 善。

氏靖安刻於勤有堂』乃南北 天祿 琳瑯 續編儀禮 圖: 朝余祖煥始居閩中號動有居士蓋建安自唐為 是刊 序後刻『 余志安刊於動有堂。 <u>__</u> 按宋板列女傳 書肆所萃除氏世 載 建 安余

業之仁仲最著岳珂所稱建安余氏本 4也。

叉: 禮記每卷有『余氏刊於萬卷堂』或『余仁仲刊於家塾』」

王先

字印 謙續東華錄「乾隆四十年正月丙寅諭軍機大臣等『近日閱米芾墨蹟其紙幅有『勤 記 未能悉其來歷及閱內府所藏舊板千家注杜詩向稱為宋板者卷後有了 皇

子余氏 有 刊於勤 有堂 __ 數字皇慶爲 元仁宗年號則其板似元非宋機閱宋板古列女傳書末 亦 有

建安余氏靖安刊 於動有堂」 則宋時已有此堂因考之宋岳珂 相臺家 墊五經論 書 [板之精者,

坊

刻

本

年及勤 叉 稱 他 建安 書 余仁 所 有堂名所 載 仲。 明 季 自詢之閩人之官於朝者罕知其詳若在本 余氏 未刊有堂名可見閩中**佘**板至南宋久巳著名但未 建 (板猶盛行) 是其世業流傳甚久近日是否相沿並其家刊書始自北宋 處查考尚非難事。 知 北宋時 着傳輸鐘音於建 即以勤有名堂否。 何

堂昉於 寧府 或考之志乘, 所 何代 屬訪 或徵之傳聞逐一 何年今尚存否或 查佘氏子孫現在是否尚習刊書之業並建安佘氏自宋以來刊行書板源流及勤 查明遇便覆奏此係考訂文墨舊聞無關政治鐘音宜選派 遺跡已無可考僅存其名並其家在宋時曾否造紙有無印記之處。 誠

員善爲詢訪, 不能稍涉張皇尤不得分肾役等借端滋擾將此隨該督奏摺之便諭令知之尋據奏:

少余氏 余氏後人余廷勤等呈出族譜載其先世自北宋遷建陽 獨於他處購選紙料印記動有二字紙板俱佳是以 建安 縣之 書林, 書籍 盛行。 卽 以刊書爲業彼時外 至勤 有堂名, 相 沿 已 久。 省板

時有余文與 號動有居士亦係襲舊 有堂名為號今全姓見行紹慶堂書集 據 稱 ĖΡ 勤 有堂

故趾其年代已不可考。」

朱理宗

按余氏動有堂之外別有雙桂堂三峯書合廣動堂萬卷堂動德書堂等名諸余有靖安靜菴唐

卿志 刊 _ 安仁仲等名平津館鑒藏記「千家集注分類杜工部集及分類李太白集皆有『建安勤 篆 書木記別一本則將此記削 法而 易以 汪諒 重刊 」字樣考汪諒爲明 初北京 書賈。 X蓋 除氏 有堂

式微, 其舊板即轉售他 八 耳。

祝 穆方輿勝覽 「建寧府土產書籍行四方」原注「麻沙崇化兩坊產書號爲圖 書之府。

}福 建省志物產門「 書籍 出建陽麻 沙崇化二坊麻沙 書坊 元季燉今書籍之行四方者,

書坊所刻 者也」又「 建安朱子之鄉士子侈說文公書坊之書盛天下。

化 按 建 寧今 福建 建寧府地宋時領 縣六建安浦城嘉禾 松溪崇安政和麻沙崇化蓋建安廂

功 之

名余氏 書鋪在崇化不在麻沙至 正刊大唐律書後有記云 崇化余志安刊於動有堂」可證

稱崇川。 新纂門 目五 臣帝莊楊子法言有「 崇川余氏家藏」云云或以祝氏云坊途指麻沙崇 化

宋時 坊 が肆誤矣。

朱子嘉禾縣學藏書記 「建陽麻沙板本書籍行四方者無遠不至而學於縣之學者乃以無

為恨今知縣事姚始鬻書於市上自六經下及列傳史記子集凡若干卷以充入之。

本

坊

刻

雕 板 源 流 考

周 亮 T 書 {影: 岳 齌 說康伯 可 順 菴樂府今麻沙尙有之麻沙 層建陽 縣, 鐫 書 人 在 沙

帶。

陸 游 老學庵 筆記: <u>=</u> 一舍法行 時有教官出易 《義題云 _ 乾爲 金, 坤 又為 金, **荷也?** 諸 生 乃

寍 本 即 至 簾 書, 以 前 杭 請 州 曰: 爲 --- 先 上, 窗本 生 恐是看 ·次之福 了 麻沙 建最 下京師。 板若監本 比歲印 則 板殆 坤 爲 釜 不減杭州但紙不佳蜀與福 也。 有石 此林 語燕 o語 亦 叉 云: 建, 多以 令 慯

(木刻之) 取 以其易成 屾 速售故不 能 久。

經 籍 3.35 「方輿勝覽書簡 有咸淳二年六月福建 轉運使司禁止麻沙 書坊翻 板 榜文。

無 訛 謬, 騰 作 大 (字刊) 一楊子 行, 務合 學者 得以 **参考互相發明** 本四子纂圖互 誠為 益之大 八也建安字 三 謹 啓。

建陽

麻

沙本

序後

有印記:

本宅今將監

註附

(重言)

重意,

精

加

校

E,

並

施 回 齌 閩 {雜 {記: 麻沙 書板, 自床 著 稱。 朋 宣德 四 年, 衍 聖公孔 彦縉以 請 市 淈 建 麻 沙 板 書 籍

咨 板。 嘉 禮 靖 部, 五 尙 書 年, 自胡淡奏聞於 福建 巡按御史楊瑞提督 許之並令 有司 學 依 校 値買 副 使邵 紙摹 說 即。 弘治 請於建陽設立官署派翰 十二年 勅 福 建 巡 按 御 林春坊官 史 釐 **IE** 麻沙 一員, 監 書

無 校 麻沙 一書坊或言建陽崇安接界處有書坊村所印之書譌脫舛漏, 書板, | 尋命侍讀汪佃領其事皆載禮部奏稿是明時麻沙書且官監校矣今則市屋數| 紙甚醜惡數百年擅名之處不知 百家,

何時降至此也」

集以售宗之詩有云『秋 方回 源全律髓: 陳起睦親坊開書肆自稱陳道人字宗之能詩凡江湖詩人皆與之善 雨 梧 桐 皇子府, 春風楊柳相公橋。 哀濟邸而謂彌遠 也。 或 嫁 嘗刊 其

於敖器之言者論列劈江湖集板宗之坐流配」齊東野語

戴 表元剡源集 題孫過庭書譜後 杭州 陳道 人家印書書之疑處率以己意改合 潜順,

殆是

書之一厄」

楊復吉夢闌瑣筆: 陳思 彙刻羣賢 小集自洪邁以下六十四家流傳甚罕鮑以文詩云 う大

棚 北陸 親巷歷歷 刊行字一行喜與太邱同里開芸編重擬續芸香」注云『陳解元詩名芸香

稿子名續芸』」

|街

楹 | 書隅錄 錢心湖先生跋所藏棠湖詩稿云『卷末稱臨安府棚北大街陳氏印行者即書

坊 刻 本

坊 陳 起 解 元 也。 以 南 宋 季賢遺: }集 刊 於臨 安 府 棚 北 大 街 者爲 陳思 丽 謂 陳 起自 居 睦 親 坊。 然 余所

見名賢 諸 集, 亦 有 稱 棚 北 大 街 睦 親坊 陳 解 元 書 籍 鋪 印行 者, 是不 為二 地且起之字芸居 思 之字

思為起之子思又著有寶刻叢編尤為 續芸又疑思 爲 起之後 人 也。 陳天 思祿 爲琳 淵 起瑯 博。蓋 之續 子志 南宋時臨安書肆有力者往往喜文章好撰 云 予 ·按羣賢 小集石門顧君修已 據宋 本校 述, 刊, 而江 亦 疑

鈿 文刻 海聖 宋 陳氏其最著者 也。

秘 錢 大 昕 藝圃 搜奇跋: 元 末錢唐陳世隆彥高天台徐一 變大章 避兵 機李相,

善。

1彦高篋

中

捲

書數 十 種, 檢有副 不悉以 贈大章彙而 編之世 無刑本。

天祿 琳 }瑯: **隨筆** 目 錄 後 記: — 臨安府 **輓皷橋** 南 河 西岸 陳宅書祭 籍鋪 ڪ 即。 考杭 州 府 {志,

集 皷 書苑精 橋 屬仁 ·二華 字 子 和 縣 境今橋名尚 _ 臨安鬻書 沿 人陳思, 其舊, 與 集漢 洪 福 魏 橋 以 馬家 來 論 橋 書者 相 次, 爲 在 杭 編, 州 府 最 爲 城 該 內 博。 西 北 <u>د</u> 叉 隅。 南宋六十家 按 魏 了翁館

山

一鞔

小集 亦陳 小 陳 道 思 人」據此 彙編。 書尾 別當時 皆識: 臨安 臨安 書肆陳氏多有著名惟陳思 府 棚 北 大 街 陳氏 書 籍 鋪 刊 在 行。 大街陳起在睦親坊 温瀛 全律髓: 注[臨 安又 部今 有 胸教 賣

坊皆非鞔皷橋之書鋪也」

葉名澧橋西雜志「宋錢唐陳思著寶刻叢編以記所見金石文字臨安陳起喜與文士交刻

六十二家詩爲江湖小集。

又「陳思寶刻叢編前序有陳思道人之語張氏金吾愛日精廬藏書志卷七宋刻釋名殘本

四卷前有『臨安府陳道人書籍鋪刊行』計十一字按書賈稱道人今久不聞亦不知何意。

按陳思所撰有小名錄海棠譜令皆存又刻唐人小集數十家。

皕宋樓藏書 [志「宋詩拾遺二十三卷舊鈔本元錢唐陳世隆] 彦高選輯按世隆書賈陳思之:

從孫。

志雅堂雜鈔「先子向寓杭收異書太廟前尹氏嘗以采畫三 輔黄圖一 部求售每一宫殿各

繪畫成圖甚精妙為衢人柴氏所得」

集題『臨安府洪橋子南河西岸陳宅書籍鋪印』』 鐵琴銅劍樓藏書志「寒山詩題「杭州錢塘門裏車橋南大街郭宅紙鋪印行」李丞相詩

坊 刻 本

三十三

雕 板 源 流 考

讀 書 敏 求 茅亭客話 + 卷, 元祐癸酉 西 平清眞子石京 I 鏤 板, 此 則 尹家 籍 鋪 刊

本 也。

禮 居題 ``跋 》記: 續 坳 怪 {錄 四 | 卷臨安 府 太 廟 前 家 書籍 鋪 刊 行 本 也。 等亭客話: 遵

者, 矣。 亦所 尹見 家尙 印劇

按

企

元

一朝官設立

書籍於平

亦

聚於

吳越閩三

亦

不

减

於

宋。

如

|杭

而 此 書 絕 未有著於錄 可云奇 水, 祕 時坊肆, 書有 是其他 籍康 鋪騈 |尹 行譚 o錄 處之盛,

彭寅 有 劉 翁, 世 成中 榮, 鳳大 郡院 彭本 科德 寅史 集十 翁後 驗年 刊有 方刊 勤德堂勤徒 於牌 崇子 道「 玉融 德元 堂風 書堂玩 謹雅 咨後 云有 云古 族增 大廣 杭 全事 萬卷堂董氏翠巖 類 劉氏 日新 堂, 刊寅 大郎 脊精 廣注 秋舍 益陸 集刊 會宣 傳韵 玉公 釋府 篤奏 義之 等 。名。 城

胡 應麟 經籍 會 {通: 今海 内書 凡聚之地 有四: 燕 市 也, 金陵也閶 闔 也, **心**臨安也問 閩、 楚、 滇 黔, 則

間 得 其 A 梓 秦 晉 川 洛 門 則余 時友 其 人。 (輦下所) 雕 者, 毎 當浙 中三 一紙貴 故也。 越 中 刻本 亦 希, 而 其 地

適當 東南之會文獻之衷三吳七閩典籍 苯焉。 吳會金陵擅名文獻刻 本 至 多。 鉅 册 類 書, 咸 會 萃焉。

自 本方所 梓 外他省至者 絕寡。 燕中 書肆, 多在 大明 門之右及禮 部門之外 及 拱宸門 之 茜。 洒 林

多在鎮 海樓之外及湧金門之內及函数坊清 和坊皆四達衢也金陵書肆 多在三山街及太學

三十四

前。 也, 圓 姑 也。 蘇 蜀、 宋 肆 多 本 稱 在 圓 最 善, 門 近 内 世 外及 甚 希。 吳 人縣前。 燕、 粤秦楚 書 多 今 精整 皆 也, 有 率 刻, 類 其 自可 地 梓 觀, 也。 而 一叉云: 不 ·若三方之盛 。 凡 刻 之地 其 有 精 吳 三: 吳 爲 最, 也, 其 越

多 圗 爲 最, 越 皆次之其。 直 重, |晃 爲 最. 其 直 輕, 爲 最, 越 皆 大之。

王 世 貞 **童子** 鳴傳: \neg 童子 膓 名 珮, 世 爲 龍 游 人。 父 日 鳴 少 依 父游。 詩有 清 韻。 尤 善 考

證

諸 畫 名跡 古 碑 彝 敦之 屬。 珊 舉 下於邑, 爲 諸 生。 字 鳴 歸, 必 就 兄 書 含買 升 酒 相 勞苦。 髙 淳 韓 邦

出 守 衝, 行 部 過 其 家 龍 邱 山 塢 中, 索所 輯 唐 故 邑命 楊 炯 邑 人 徐 安貞 集鋟 辞行 之。

iL. 按 明 自 嘉 靖 前, 刻 倘 不 苟, 亦 有 牌 子 以 記 雕 造 歲 月 及 鋪號 者。 後則 惟 家 刻本 著 某 宜會 。容德玉名

梓江 蓋 文業 仿 宋 廖 氏 世 綵 堂之例。 業有 堂嘉 明 時 書 氏 肆 至 如 德 廣 成 會大 書 刻正 玉廣 店, 良唐 |愼 月韵 獨 廣後 齌 成有 劉 青永 弘 店樂 毅, 牌甲 子辰 春刊 堂十 清 江 集七 書 ,史 書詳屋, 鋪節 性見 在韓 後廣

堂亥

續清

板

金臺 書 來賓樓姜家 店 汪 諒, 警汪 堂, 更刻 酉初 個見 鋪文 奢學 傳高 對選 林記 新 門云 文後 貿 翻金 書 刻臺 牌靖 堂。 宋書 子丁 通見 元店 劉 艦嘉 節靖 本汪 要本 七諒 粮 種, ,見堂, 清 重在 時 書 古陽 篇益 坊 板門 刻 七內 書之 種第 多莫 o — 獙 如 蘇 林 州 魏 氏仁 席 氏 實 掃葉 堂, 山 房。 理景 北柳 如 大泰 京集 {+ 全本

四 朝 别 史百 唐 元詩選 癸集 其 最 著 者。 販 夫 盈 門, 席 氏之 不 脛 而 走 天 下。 湖 南、 江 西. 稲

坊 刻 本

十五

活 字印書法

活 字。印。 書法創於宋初近日盛行鉛字製模澆字悉用機器由源及委則舊。, 。。。 法 亦 不可不 知

也。

沈括夢溪筆談「慶 歷 中, 有布 衣畢 昇為 活 板。 法用 膠泥 刻字, 薄 如 線 脣。 毎 字 爲 ___ 即, 火 燒

十百千本則極為神速]朝事實類苑。範爲一板持就火煬之藥稍鎔則以一平面 **仓坠先設一堂及** 身上以松脂 臘 和 紙 灰之 類冒之欲 按 (其面, 則 即則以一 字 平如 砥若止印一二本未爲簡 鐵範置鐵 板 上, 乃 密 布 易。若 字 即 滿 即 鐵

十百千本則極

}天 字橫置可證其爲活字板。

元 王楨活字印書法 「古時書皆寫本學者艱於傳錄故人以 藏書為 貴。 五.

唐明 本 於此。 宗長與二年宰相馮道李愚請命判國子監田敏校正 因是天下書籍遂廣然而板木工匠所 其工費不能印造傳播後世有 人別生巧技以錢為印盔界行用稀 費甚多至有一書字板功力不及數載難成雖 九經刻板印賣朝廷從之鋟梓之法其 有 可

活 字 即 法

人皆憚

瀝青澆滿

爲 用 字樣製大小寫出各門字樣糊於板上命工刊刻稍留界路以憑鋸截又有語助詞, 字作行, 訖 數 字 削 盥 焼熟 取 行片 大輪, 於準則 目字並尋常可用字樣各分爲一門多刻字數約三萬餘字寫畢, 板 法: 竹 內 '平 木 先照 片 火 介 瓦 其輪 行行夾 上字 削 爲 行 字 上, 内, 再行 成竹片夾之盛字旣滿, 排 之, 監 行, 即 樣用 盤徑可七尺輪軸高可三尺許用大木砧鑿竅上作橫架中貫輪軸, 武 韻内 書。 雕 住。 大 板 但 煨化以燒熟瓦字排於行內作活· 再 擺滿 小高 細齒 可用字數分爲上下平上去入五聲各分韻 木 上 入 介為字用· (窰內燒) 項字 用木 低一 小鋸, 樣, 同然後另貯 每字四方雙下盛於筐筥器 小細 難於使墨率多印壤所, 爲]輕攝之排: 段亦 用木 鋸鎪開各作一字用 **播**奶先 可 別器。 於 為活 輪 字板印 上。 結 作 之使 字印板為其不便又以泥為盔 盔嵌 削 以不能 八小刀四一 分 堅牢字皆不 之近世又鑄錫作字以鐵 内每字令人用 作 字 五. 法: **人行今又有巧便** 韻用 於元 頭校勘字樣抄寫完備作書 面修之比武大 大字 寫監 動然後用 如如 前 標 韻 小裁 各門字數 記。 法。 一墨刷印之。 刀 之 小高低一 下有鑽 造輪 修 界行, 雙字 法, 倏 之乎 理 造板 貫之 嵌 法: 齊 修 內 首,立 用 於 整, 字 同然後 墨作 者 作 用 輕 木盔 先立 也字 行, 法: 人 寫韻 薄 木 將 取活 印 嵌 泥, 及 造 内。 進 刻 刻 排 盔, 於

盤以 I 「竹笆鋪之上置活字板面各依號數上下相次鋪」 擺凡 置輪 兩, 面 輪 置監韻 板, 面 置

各字俱計號數 而 雜 字 坐致 板 字數。 面。 一人中 取訖, 與 又可 坐, 左 輪 F , 鋪還 韻 門 右 類 俱 相同。 可 內, 推 兩得 轉 人 摘 字蓋以 執 便 韻, 也。 依 號數 人 取 尋 字 喝字, 法將 字 則 一人於輪 難, 元寫監韻 以 字 就 上 另寫 人則 元布 易。以 **册**, 編 輪 字 此 板內, 成字 轉輪 取摘 號, 之 毎 法, 字隻嵌 面 不 勞力

个 片, 偧 理 量 平正先用 書面· 大 小, 刀削 四圍作欄右邊空候擺滿盔 下 諸樣小竹片以別器盛貯如有低邪隨字形襯髮切念 面。右 邊 安置界欄以木掃攝之界行內字樣須要个 榍之至 字 體 平穩,

於所

印

書

板

盔內。

如

有

字韻

內別無隨手令刊

匠添補,

疾得完備。

作盔安字刷印法用:

平

直

乾板


法 然後印刷之又以 也。 前任宣州 旌德縣縣尹時方撰農書因 櫻刷 順界行豎直刷之不可橫刷印紙亦用機刷順界行刷之此 字數甚多難於刊印故用己意 命匠創 用活字板之完 活 字,二 年 而

工 畢。 弒 EPI 本 ·縣志 書得計六萬餘字不 月 而 百部 齊 成, 如刊 板, 始 知 其 可 用。 後二 年, 余 遷 任

州 永豐 縣, 而之官是時 **心農書方成公** 欲以活字嵌印 今 知江 西 現 行 命 I 刊 板, 故 且 收 貯 以 待 别 用。信

然 古今 此 法 未 見所 傳, 故 編錄 於此以待世之好事者, 為印 書省便之 法, 傳於永 久。 本 為農書 m

括 字 印 春 法



者。

燧字文輝無錫人少於經清傳「會通君姓華氏諱

通君姓華氏諱

居曰會通館人遂以會通 能會而通之矣乃名其所 而為銅字板以機之曰吾

老儒先生即持以質焉旣

異輒爲辨證手錄成帙遇,

史多涉獵中歲好校閱同

因附於後」 按元人活字本今無傳

四十

中

板

源流

考

稱, 或丈之或君之或伯仲之皆曰 會通 云。君 有田若干頃稱 本富後以劬 書故家稍落而君漠如 也。

三子塤座壁」

嚴元 照悔菴集書容齋隨筆活 字本後「: 此 翻宋 紹定 間所 刻。每 番 中縫 上方有 宏治 在

旃蒙單 **閼』八字下有『** 會通 館 活字 銅 板 印一八字, 書 後有 華燧

序。

天祿 葉昌熾藏書記 白氏 事 }詩: }長 慶 }無 }集, 38縣志二 毎卷 末 有 華埕, **—** 錫 字汝德, 山 蘭 雪 堂 以貢授大官署丞善鑒別古奇器 華 堅 活 字 銅 板 印 記。 法

書

名

築尙 古 ·齊實諸玩好其中又多聚書所製活板甚精密; 毎得 2秘書不數1 日 而 節本 出矣。 昌熾 案:

之子塤奎壁名皆從土旁埕堅疑亦其羣從而理爲埕之誤余所見蘭雪堂活字板本, 又有蔡中郎

集甚精。

之著。 按 明 世 無錫 銅活字本有二一為蘭雪堂華氏一為桂坡館安氏安氏所刊較少故名不 鳳亦以銅活字印 曹今傳者有小名錄尚有五雲溪館新 詠行 ∞玉 金蘭 土石

張 氏, 寶印 遺行 事開 ∘元 天 則 皆不 知 其 介 矣。

同

時

吳郡

有

孫

活 字 即 法

四十二

府 安國字民泰無錫人嘗以活字銅板印吳中水利考。

天祿 琳: 初學記板心 上標『安桂坡刻』每本標題之下又稱『錫山安國校刊』安國

所刻書甚多此書取九洲書屋本翻刻」

按安氏所印顏魯公集又有雕本蓋先擺後雕也。

顧炎武亭林集與公肅甥書「憶昔時邸報至崇禎十一年方有活板自此以前並是寫本」

下,

其最可信者,

銅板活字蓋所據皆舊本刻亦在先也」

袁恬書隱叢話「印板之盛茣盛於今矣吾蘇特工其江寧本多不甚工世有用活字板者。

往用活 畢昇 生字少刻而熟字多刻以便配用余家有活板蘇斜川集十卷惟字形大小不畫一耳近日邸報往 為活字板用膠泥燒成今用木刻字設一格於桌取活字配定印出則攪和之復配他頁大略 板配印以便屢印屢換乃出於不得已卽有訛謬可以情恕也。

武英殿聚珍板程式「乾隆三十八年十月二十八日金簡奏謂「奉命管理四庫全書 一應

需 絆 頁行 字加 用 詳 思 槽 刊 之熟 加 板 加 惟, Ŀ 刻 銀 板 莫若 辦。 核 内。 款, 選 格 刷 照 一千二百餘 歪 是此 先 算, 擇, 大 十 字, 外 印裝潢等事今聞中外彙集遺書已及萬種現奉旨擇其應行刊刻者皆令鐫板 底 小式 刷印一 天恩加, 字或 毎一 除 刻棗 毎 本 項 百字需銀八錢十五萬餘字約 生僻字不常見於 擺, 需銀, 樣照 字加 百字不等約需 木活字套板一分刷 張交與 兩, 惠藝林之意 依 通 此外仍做木漕板備添空木字以及盛貯木字箱格等項再用銀一 可 至十字或 計 刷 常行書籍尺寸刊作木漕 校刊 不 印 過 成 卷倘 經傳者 翰林 百字不等約共 也。 一千四百餘 五萬餘字大小合計不 但將來發刊不惟所用板片浩繁且, 其間 處 印各種書籍 石水集外引 詳校 倘 無誤然後以 需銀一千二百餘 兩臣因以武英殿現存 有不 需十萬餘字。 比較刋板, ·敷應! 計應 板二 一十塊。 過 刷 用之字預備· 刊 十五萬餘字遇有發 即。 刻 文預備· 其棗 臨時 者約六千數百餘字此 工料 兩。 省簡懸殊臣 此外仍做 木字大小共應用 按底本將木 書籍 木 小註應刊之字亦 字二 逐部 核校。 木漕 千 刑刻, 字檢 卽 個, 刻 謹按御定 如 板, 隨 亦 史記 + 屻 需時 校 內虛字以 備添空木 時 照 五 明 可 書 萬餘 佩文 通行。 籍, 大字 日。臣 確, 以 百 擺 刊 只 字約 及常 · 詩 韻, 個。 置 須 兩 補。 毎 詳 此 板 將 臣 木 細

括字 印音法

四十四

某字向: 刻成棗 貯木字臨用· 此項 字十五萬按韻分貯木箱內其木箱用十個每個用抽屜八層或十層抽屜中各分小字十五萬按韻分貯木箱內其木箱用十個每個用抽屜八層或十層抽屜中各分小 刻工 十八萬九千零每寫刻百字工價銀一兩共用銀一千一百八十餘兩是此書僅一部已費工 一千四百五十餘 人役卽一時外僱恐不得其人且滋糜費臣愚見請添設供事六名分領其事所有刊,。 更可稍為節省如此則事不繁而工仍省似屬一勞久逸至擺字必須識字之人但向來從 即或刷印經 管韻 木活字套板共四塊並刷印紅墨格紙樣式 七 供事 時以供事二人專管擺字其餘供事四人分管平上去入四聲字擺板供 十 귶 塊按梨木 喝取管韻供事辨聲應給如此檢查便易安擺迅速謹照 | 久字畫模糊又須另刻一分所用工價亦不過此數或尙有可以揀存備用者於, 兩个刻棗木活字套板一分通計亦不過用銀一千四百餘 小板例價銀 每塊一錢共該銀二百六十七兩五錢計寫刻字 各五十紙恭呈御覽」 奉 旨: 御 製 兩, 命校 而各種 ---甚 格數 永樂 事案 好照 書籍皆可 干個, 此 大 書 刻木子 百百 典,計 應 科銀 需 盛 無

又「乾隆三十九年五月十二日金簡謹奏前經奏請將四庫全書內應刊各書改為活

片工料銀 各長五 長一尺寬八寸厚一寸每個工料銀三錢計銀七兩二錢成做收貯木子大櫃十二坐各高七尺二 木盤 刷 寸五分厚一寸五分每塊各隨長短夾條一分工料銀一 十九兩一錢五分備用棗木子一萬個計銀二十二兩擺字楠木漕板八十塊各長九寸五分寬七 每百個工銀二分共合銀六錢九分計刻得大小木字二十五萬三千五百個實用銀一千七百 辨理今已刊刻完竣細加查核成做棗木子每百個銀二錢二分刻工每百個銀四錢五分寫宋字 需銀 通 五尺一寸進深二尺二寸每坐各安抽屜二百個實用工料銀三十兩計銀三百六十兩抽屜 |八十個長一尺八寸中安隔 行擬刻大小木字十五萬個每百字約計工略銀八錢並成做漕板及盛貯木字箱格等項約。 一千四百餘兩嗣又添備十萬餘字約需銀八百餘兩督同原任翰林祥慶筆帖式福昌敬 尺寬一尺高一尺五寸每條工料銀九錢五分計銀十一兩四錢通共實用銀二千三百三 個, 一錢匠分計銀十二兩板箱十五個每個工料銀一兩二錢計銀十八兩檢字歸 成釘銅眼綫曲須圈子二千四百副每副銀一分五釐計銀三十六兩木板櫈十二條, 條每個工料銀三錢五分計銀二十八兩套板格子二十四塊各 兩二錢計銀九十六 兩。 毎塊 四 角 包 類用 訂 松 四 銅

字印音法

中國雕板源流者

司支領給發將來四庫全書處交到各書按次排印完竣後請將此項漕板木子等件移交武英殿 十九兩七錢五分查原奏請領過銀二千二百兩尚不**敷銀一百三十九兩七錢五分請仍向廣儲**

收貯遇有應刊通行書籍即用聚珍板排印通行」。

四十六

क्त 廂

見長當科智 刊 即。 小册爲巾 舉盛時坊賈縮印小本為士子挾帶計光緒! 廂。 本其說 見宋 戴埴 **退璞又以其**豆 季年石 可藏懷袖別稱袖: 印法行刻-木者 珍本以行密字展刻: 知不能 1.與之爭因 畫 纖 復 朗

雕 節。

墳 青復何細書別藏巾廂」曰「巾廂」 事{ 物記原「支 南史 ラ 卷置巾廂中侍讀賀玠曰 41

廂。

」今謂書籍之細書小本者為巾廂始於此 也。

朱彝尊經義考「天下印書福建本幾福天下錫紹俱閩人當是閩中所行之書且板高半尺,

乃 巾 廂 本亦宋所盛行者字朗質堅瑩然可寶。

按楊守敬留眞譜「 摹刻床本禮記其板心高不過三寸許寬二寸半一 頁刊三百二十四字幾

如今之石 **印縮本矣而字畫淸朗可謂極工亦有密行細字而板高尺許者**。 則 稱大 巾廂 本一云。

廂 本

四十七

天祿琳卿「宋巾廂本五經易詩春秋禮記經文春秋左氏經傳不分卷行密字展朗若列眉」 御製集天祿琳瑯鑒藏舊板書籍聯句「小字巾廂尺寸強」

朱墨本亦稱套板廣東人爲之最精有五色者

刻印書籍工價

共一千三百張裝背饒靑紙三十張背淸白紙三十張俊墨糊樂印背匠工等錢共一貫五百文足, 貸板錢一貫二百文足本庫印造見成出賣每部價錢八貫文足右具如前淳熙三年正月日雕造

所貼司胡至和具杭世隆儒學教授李清孫校勘無差」

百文足工墨裝背錢一百六十文足」 又「象山縣學漢雋每部二册見賣錢六百文足印造用紙一百六十幅碧紙二幅賃板錢

百八十文賃板錢一百八十六文裝背工糊錢右具如前二月日印匠諸成等具」 「二俊文集一部共四册印書紙共一百三十六張書皮表背幷副葉共大小二十張工墨錢

八張共錢二百六文足賃板機墨錢五百文足裝印工食錢四百三十文足除印書紙外共計錢 刻印書籍工價

千一百三十六文足見成出賣每部價五百文」

餘年其孫明安過嘉禾學宮出所藏書板見示因白御史宋公一齋僉憲鄧公善之以中統鈔七十 叉「實站舊板通鑒記事本末後有元延祐六年亮陳弼序稱節齋刻板後束之高閣者四十

五定償之質之學宮因書得板與末於節齋序後」

俞樾茶香室叢鈔「明劉若愚酌中志云『刻字匠徐承惠供本犯與刻字工銀每字一百時

字與工銀費相同」按此知明時刻書價值至廉今日奚啻倍之也」 價四分因本犯要承惠僻靜處刻勿令人見每百字加銀五釐約工銀三錢四分今算妖醬八百餘,

紙

邵 風 俗 通 養: 劉向 典校 書 籍, 先書: 竹, 改易寫定可繕寫者以上奏」 蓋西京之末已 · 貴。 素。

紙, 輕。 人 取 竹。 所 竹矣後漢宦官# 寫皆 爲 帷囊吳恢 反覆 |有字」竹帛廢而紙大行當在魏晉間 蔡倫 為 南 海 因 太守, 練貴簡 欲 殺青以寫經 重,不 便於人以, 書。 是東京之時知 **《意造爲紙**》 矣。 板 印書籍, 而獻帝 紙猶不甚流行。 則 西 廷圖書 未 有 不 甪 皆用 }抱 紙 {朴 **元練帛亦眉之₹** 者。 子自敍 近日 印 家 本, 亂, 始 貧 用 Ž ाति ॰

洋 紙。 質理. 旣 粗, 更易變色其不及高麗之苔紙, 日本 之綿 紙 多矣。

始。 簡 費著蜀 太重, 縑 太貴, 人遂以 「古者 紙 書 爲 契 便於文字 多以 竹簡, 有功。 其 次用 人至 鎌帛至 **今稱蔡倫** 以木 紙。 膚 今天下 麻 頭 敝 皆以木 布 魚 網 膚 爲紙, 爲 自 紙, 東 而 蜀 漢 中 蔡倫 乃

盡 用 蔡倫 法, 雑以 舊 布 破 履 亂 麻 為之惟謙是 層 表 人光皆蜀草 牋 之名, 非 亂 麻 **然不用於是造紙** 紙 者 廟 祀 蔡

倫 矣。

又: 廣都 紙有 四 色: 日 假 山南二 日假榮三日冉村 四日竹 紙, 皆以楮皮爲之其 視. 浣

榮, 紙 造 最 於 精 潔。 冉 村 公私 日 淸 水, 簿 造於龍 契書卷圖籍文牒 盟 鄉 日 竹 紙。 皆取 蜀中 **V給於是廣** 經 史子 集, 幅 無粉者 皆 以 此 謂之假 種 傳 即。 山 丽 竹 南狭 紙 之輕 幅 有粉 細 似 者謂之假 衪 視

一色價質 稍 費。 近 年又: 倣 徽 池 法 作 勝 衪 紙, 亦 可用, 但未 甚 精 緻 耳。

有令人以竹爲 紙, 也。

{東 東 坡 坡 |題 {志 {林: }跋: 昔 成 人以 都 浣花溪· 海苔為 水, 清 紙, **今無** 滑 異 常以以 漚 ▲麻 楮 作 牋, 亦古所 潔 白 可 愛; 無 數十 有 里 死, 便不 堪 造信 水之

遠。 力 自 來所 多亦 精。 更數 十 年,當 紙 相 抗 也。

也。

揚

州

有

蜀岡,

岡

上

有大

明

寺

井,

知

味

者以

爲

與

蜀

水

相

似。

溪

左右

居

人

亦

造

紙,

與蜀

產

不

甚

相

十 年 以 產 益 益 與蜀

按 唐 時 寫 本, 多用 益 州 麻 紙, 堅緻 耐 久。 後, 刻木 至 宋 記云: 造竹 紙質 淳 熙三 輕 價 年八 廉, 麻 月十 紙 寖廢。 七日, 左

刻

經

傳

廊

司

局

內

曹

堂

典

楨 }天 等奏 }滌 ₩ 聞, }瑯: 壁經 朱 春秋左傳國語 }春 **秘** }集 史記 解 等書多爲蠹魚傷牘, 未 敢 備 進 上 覽。 奉 勅,用 棗 木 椒 紙, 各

部。 四 年 九 月 進 **覧監造** 臣曹棟 校梓, 司 局 臣 上郭慶驗牘。 二據識 則 孝宗年 所 刻,以 備宣 索 者棗

世 倘 知 用。 若 印以 椒 紙後 來無此精 I 也。

五十 Ď

世 貞漢 書 跋: 「余生 平所 購 周易、 禮記、 毛詩左傳史記 如玉四旁寬廣」 過三千餘卷皆宋

本 精 絕。 最 後 班 范二 |漢書尤爲諸本之冠桑皮紙白 潔如

叉宋本文選跋「此 本繕刻極 精紙用澄心堂墨用奚氏」

趙 文敏宋本文選跋 「玉楮銀 (鉤若 |與鐙月相映助我清吟之與不淺。

按考槃餘事: 「王弇州 藏宋板漢書澄心堂紙李廷珪墨」按澄心堂紙始於南唐後山叢

甚為 心堂 **灣重宋** 南 唐烈祖 初 節度金陵之 紙 獪 有存 者, 歐公 燕居 一曾以二 地趙內翰彥若家有澄心堂書目」江寧府志: 軸 贈梅 聖俞相 傅 淳 化閣帖皆用此紙所揚歐陽公五 後主 造 澄心堂! {代 {史 紙,

品。 亦 [江 用 寧府 此 屬 草。 }志 所 蓋 云 宋 此 初 紙 猶 以 桑 存 者謂 皮 為 質料後主 南 唐 舊 紙 所置 猶 存。 渚。 梅 聖俞 工料特精別以烈祖之澄心堂名之遂成 答歐陽公送澄 ·心堂紙詩句 但 存 圖 書 及 上 方珍 此 紙,

者,棄亦,將 大屋 將 角 堆。 帽 狹 不 堪 作 誥 命聊備 麤 使 供 鸞臺。 可 知南唐遺紙甚多為時 人 所 貴。 人 枋 造

惟 監 中 印 本 方用 芝 耳。

陳繼儒妮古錄「宋紙於明望之無簾痕。

天祿 唐書印紙堅緻瑩潔每頁有「武侯之裔」篆文紅印在紙背十之九似是造紙

家私記其姓爲諸葛」

鍾音察訪建安余氏裔者奏稱其祖印書紙皆自造在紙上印『 按南宋槧本本草衍義每葉中縫反面有楷書「京兆方塘文房朱記」東華續錄「高宗 動有堂」字樣因知古時 刻 書, 朝諭 有自

造紙者。

明張壹疑耀「余獲校祕閣書籍每見宋板書多以官府文牒飜其背以印行者如治平類篇

部四十卷皆元符二年及崇寧五年公私文牘牋啓之故紙也其紙極厚背面光澤如一故可兩

用若今之紙不能爾也」

按藝風堂藏宏治本僑吳集乃取當時書翰拜帖反印之亦罕見也。

{筆 {養: 「凡印書永豐綿紙為上常山柬紙次之順昌書紙又次之福建竹紙為下綿貴其白且

堅東貴其潤且厚順昌堅不如綿厚不如東直以價廉取稱閩中紙短窄黧胞刻又舛訛品最下而

直最廉」

紙

五十六

藝風堂 藏 }記: 明刻李長吉歌詩附製書 雅意 四則一紙用淸文京古千或太史連 方

即 用方氏徽墨孫氏京墨凡墨勿用一殼用月白 . 雪凌純厚靑絹椒表陰乾一裁用利 刀磨 用

俱付良工」

蓬紙以竹絲置於池中浸以石灰漿上竹楻鍋煮爛經宿水漂淨之後將稿灰淋摼水上楻鍋煮爛, 廣信府志拾遺「石塘人善作表紙搗竹絲為之竹筍三月發生四月立夏後五日剝其殼作

紙藥黃 復 水漂淨之始用黃豆冽注一大桶檯一 表 紙則 用姜黄細春末, 稱定分兩每一 一層竹絲則 槽四人扶頭一人春碓一人檢料一人, 一層豆冽過三五日始取爲之白表紙正 (焙乾一人) 用藤 毎

日出紙八把」

豐, 鉛 王宗沐 山, 上饒 江 远省志: 縣續告官司, 廣信 亦各起立 府紙槽 漕 前 房。 不可考自洪武年間創於玉山一 山 漕 坐峽口 等 守處 永豐漕坐坛 縣。 至 柘揚 嘉靖 等處, 以來始 |鉛山 漕 有永 坐石

塘石 捣 細。 壠 藥 等處, 和溶化澄清如水簾撈成紙製作有方其槽所 上饒漕坐黃坑周村高州 鐵山等處皆水 八土宜漕窮河 在非一 地故附屬因革無從稽 源石 峽, 淸 流湍 激漂 覈矧: 料 潔 係 白, 蒸熟

姑 紀 其 略耳。 楮之所用爲 構 皮, 爲竹 絲, 為簾 為百結 皮。 其構 皮出 自湖 廣, 竹 絲 產 於 쟤 建, 產

將 攪 徽 州 前 以 物 浙 石 料 江。 灰 自昔皆屬吉安 浸 存 放 性。 淸 月 餘, 流 急 仍 水, 入 經數 徽 甑 州 蒸。 盛 畫 府 夜。 以 布 足 商 踏 販, 囊, 放 裝 去 於 殼, 運 打把 急 本 水。 府 浸 撈 地 數 起, 方 貨賣。 畫 飯 夜, 火 踏 蒸 其 爛, 百 去 結 灰 剝 皮玉 水。 去 見淸 其骨。 山 攤 扯 土 產。 放 碎 漕 洲 成 絲, 戶 上。 僱 H 用 倩 囇 刀 水 剉 人 淋,

透。 無 仍 論 用 月 日, 飯 以 蒸 白 水 漂, 爲 暴 度。 木 囇 杵 不 計 春 細, 徧 數。 成 片 多手 摛 擇 開。 復 去 用 小 疵, 桐 絕 子 殼 無 灰 瑕 及柴 玷。 刀 灰 斫 如 和 炙, 勻, 揉 滾 碎 水 淋 爲 末。 泡。 布 陰 袱 乾 包 半 裹, 月, 澗 叉 放 水 急 灑

中 大 流 大 洗 小 去 高 濁 水。 闊, 置買 然後 絕 安放 細 青 竹 絲, 石 以黄 板 合 漕 絲 線 内, 織 泱 長 成 簾 流 寐, 水 四 入 漕, 面 用 任 筐 其 綳 自 緊。 來自 大 紙 去。 六 藥和 人, 小 溶 紙 化, 澄清 _ 人, 扛 如 簾 水, 入漕。 照 依 水 紙

攪 轉, 浪 動 撈 起。 簾 上 成 紙 張揭 下, 畳 搾 去 水, 逐 張 掀 上, 磚 造 火 焙。 兩 面 紛 飾, 光匀 內 中。 陰陽 火

燒, 薰 乾 收 司 禮 下, 方始 監 行 造 成 紙 紙。 名二十 工 難 細 八 述 色 曰: 論。 雖 隆冬炎 白 榜 紙, 中 夏, 夾 手 紙, 中 勘 不 合 離 紙, 水 結實 火。 諺 榜 云: 紙, _ 小 片 開 紙 化 非 紙, 容 呈 易, 文 措 紙, 手 結 七 連 +

連 紙, 白 蓮 七 紙, 結 連 四 紙, 綿 連 四 紙, 毛 邊 中 夾 紙, 丢 板 紙, 大 白 鹿 紙, 藤 皮 紙, 大 楮 皮 紙 大 開

五十八

化 戶 化 期。 紙, 油 紙, 大玉 紙, 大戶 方 榜紙。 版 油 紙, 紙, 以上定 大綿紙, 大龍 瀝 紙, 小綿紙, 例, 鉛 五 山 年 廣信青紙, 本紙, 題 造 大青 次乙字 清連七紙2 榜 紙, 庫行 紅榜紙 鉛山 造 黄 紙 [奏本紙: 榜紙, 名 __ 綠 + 竹連 榜 紙, 色 曰: 阜榜紙。 七 大 紙, 白 小 以 白 榜 上 紙, 鹿 隨 大 紙, 中 缺 小 取 楮 夾 用, 紙, 皮 大 造 紙, 解 開 小

陵用蜀人魚子陵 下。 凡 五: }輿 **府** 用 木 || 志: 椎 \neg 法日 椎治, 越中 【粉雲羅牋; 堅滑 昔 時 光白 造 紙 於甚多韓昌黎· 者, 造用冬水佳, 硾 牋; 瑩潤 · 敲冰為之曰敲冰牋今莫有傳其術者竹紙嘉宗 }毛 如 **{類** 玉者, }傳, 紙 日 曰 1玉板牋 會稽格 品南唐 先生是也嵊 澄心紙樣者曰澄心 縣剡藤 紙, 名 秦志: 擅天

个邵 剡之藤紙得名 必 以 日 公樣尤短 姚黃, 楮 紙, 故賣: 日 1學士日 小, 竹 士大 最舊其次苔牋然今獨 紙 者稍 夫翕然效之建炎 邵公三等皆又有名展手者; 不售惟攻 書 紹興 者猶 竹紙名天下他方效之莫能彷彿途掩 以前, 喜之——滑 其修如常 書館 往來, **小率多用** 也; 而廣倍之自王荆 發墨 焉後 也; 宜 忽廢 筆. 錄三 公好 藤紙 書 牋 矣的 也; 用 而 卷 用 小 竹 舒 劄 紙 紙, 子。 上 久, 比

墨終

不

渝,

四

也;

不

斷

五

會稽之竹為紙

者自是一

種取於

筍

長

未甚

成竹時乃可用。

民家

或

也。

致饒今越中凡昔人所稱名紙絕無聞惟竹紙間有之然亦不佳」。

嘉靖金華志「梁山近盤泉舊有紙廠造紙。

· 縣志「尋常所用皮紙大者名呈文綿紙大概用桑皮筍殼煮成而以籐汁澆之」

离曆龍遊縣志「貨品中惟多燒紙勝於別縣」。

連四竹連七竹奏本白楮皮小綿紙毛邊中夾白呈文靑奏本又間一用之曰玉板紙簾大料, 榜大中夾又日十九色紙白榜白中夾大開化小開化白綿連三結實連三白連七白綿連四結實, 細九

抄造他若客商所用各隨販賣處所宜名式不可枚舉凡江南河南等處贓罰及湖廣福 建

紙, 俱 來本縣買納。 難

衢州 府志「藤紙綿紙竹紙三 種並皆細品」

七 日春爛漂入胡桃藤等藤以竹簾承之俟其凝結掀置磚板以火乾之」,

五十九

國 雕 板 源 流 考

₹赤 城 }志: 蘇文 忠 雜 志日: 「呂獻可遺余天台玉板過於澄心堂」

又米元章用黃巖籐 紙

熟, 揭 其 半用之有滑 净 軟熟之稱今出臨海 者 日黄 擅, 日東陳出天台者日大淡出 寧海 者

出 黄巖 者以 竹穰 爲之卽所謂玉板 也。

丽 安徽: 省: 徽 州 府 唐時 土貢 (紙今無) 佳者。 往 往 市 自開 化間。 寧國 府郡邑)皆出

邑尤 擅名太平安 府 紙出繁昌六安州邑造紙 者 多。

通 表: 府竹穰楮 籐厚凡柔靱 者皆可以造紙。

楮 紙出 連 鄉, 薄 藤 紙 出 侯官, 赤 色 厚籐 出 永 福 辜嶺今皆少造。

間,

{稲

建

福州

皮薄

舊志

謂

巧

紙

出古

田

羅

源

村

紙,宜、

|經、

⋛四

川

通

}志:

_

保

寧府

出

楮

紙,

夔州

府

萬

縣

產

蠲

紙,

龍安府

江油

出楮

紙, 雅

州

府

產

鐲

紙,

嘉

江 紙

下 紙房, 翼, **人**。 紙。

尖山 爲 楮 薄 如蟬 而堅 重 可 州 果 山 出

湖 南 **通** 法: 理唐 審志 ・地 出紙號 志一 耒陽蔡倫故宅旁有蔡子池。 。唐 倫

黄 門 郞 順 衡陽出五家紙又云工界紙。

人又日習其物而不知其源淸季皖省官散造紙廠造成數十種更有染作古色者家刻善本多取以, 按今所用印書紙多取諸江西安徽浙江湖南福建諸省方志所引詳於考古略於徵令坊肆中

摹印焉近已不製矣。

六十一

子寫之。

偃曝談錄「古竹簡之後皆易楮書之束而為卷故曰一卷二卷自馮瀛王刻板後卷變爲册,

猶曰卷者甚無謂」

朝已有之阮孝緒七錄大抵五卷以上為一帙」筆叢「凡書唐以前為卷軸蓋今所謂一卷卽古之一軸至裝輯成帙疑皆出雕板之後然六

又「凡裝有綾者有錦者有絹者有護以函者有標以號者吳裝最善他處 無及 焉 閩 多不:

裝。

必 栗香亦名花木香取其木爲書軸, 白魚不損書。

王氏 談 }錄: 作 書册黏葉爲上雖歲 久 脱爛; 荷不 逸去, 尋 ·其葉第, 足 可

抄錄。

次敍

初

等董子

數 卷 錯 亂顛 倒伏 讀歲餘尋釋, 一綴次方稍完此

張萱

秘

閣

中

所

藏宋

板

書,

皆如

今 制

鄉

會

進

是

試

錄,

謂

之

百

{露 乃縫 綴 心之弊 也。

落偶 閱王古心 **疑耀**: }錄 云: **—** 用 楮樹 汁 飛 麵白 | 芨末三 物 調 和, 以黏紙, 永不 蝴 脱落。 蝶 装, 其糊經數 宋世 裝 書号: 年 知 亦 此 脫

法 耶?

按 淸 季 發內閣 藏 書, 宋 本 多作 蝴 蝶 裝, 直 立架中, 如 西 5書式糊漿極8 堅牢。

錢 曾 讀 書 敏 · 水 記: 雲烟過眼錄: 余從延陵季氏**會**觀吳彩鸞書切韻眞蹟逐葉翻 看, 展

轉

仍 合 爲 卷。 费邦基墨裝漫錄言旋風葉者即此。 自北宋刊本書行 而裝潢之技絕 旋按

蝴風 蝶葉 裝即

至

末,

吳 寨 · 拜經樓藏: 書 題 跋記: 圖 繪 寶鑑黃薨圃 跋云: **—** 收 藏爲廬江 王, 是幾百 年 前 故 物。 拜

經 樓 主 人以為裝潢 極 精, 非民間藏書吾見成化時閣本 大唐開元占經, 毎 册俱 用黄: 綾 作 簿 面 黄

裝 訂

絹 作 籤 條。此 可 見官 書 · 珍重, 卽 装 潢 **可辨也**]

餘 }事: 「嘗見宋板漢書不惟內紙潔白且每本多用澄心堂紙數幅爲副次以活觀

為裏蠶 繭鵠古籐紙, 因美而存遺不廣若糊褙及以官券殘紙者則惡矣」

[溪叢話 余有舊佛經一卷乃唐永泰元年奉詔於大元宮譯後有魚朝恩街,

有經生幷裝

潢人姓名」

方為第一古時有宋本蝴蝶本册本各種訂式書面用:孫慶增藏書紀要「裝訂書籍不在華美飾觀而 要護帙有道款式古雅厚薄 包角標書 得宜精緻端 Œ,

用古色

紙,

細

絹

而

用

小粉

糊,入

椒

礬

壓 細末 得久捉得齊乃為 於內太史連三 層標 高 手。 好貼 書服 於板 要 上挺足 細, 打得 (候乾) Æ, 而 揭下壓平用須夏天做 小 草 訂眼 亦 然。 又須 少; 多則 秋天 用。 傷 書腦, 摺 書 頁要摺: 日 後 再 得 訂, 直, 卽

眼 多 易 破, 接腦 煩 難。 天地 頭要空得 Ŀ 下 相 稱。 副 册 用 太 火史連, 萷 後 樣 兩張。 截要 快 刀 截, 方 平而

得 光。 牢嶔得深方能不脫而緊如此訂書乃為善也見宋刻本襯書紙古人有用澄心堂紙書面用宋, 再 用 細 砂 石 打磨, 用 力須 輕而勻, 則 書 根 光 而 平, 則不妥訂線用淸 水白 **一絹線**, 雙根 訂 結。 要訂

總 用 棉 亦 有 料 古色 用 墨箋洒金書 紙 書 面, 襯 面 用 川 者, 連 書箋用宋箋藏金紙古色紙爲 者 名錢遵丁 王 述古堂 裝 訂 書 上。 面, 至 用 自 明 造 人 收 五 色 藏 箋 書 紙, 籍 或 識 用 究 洋 裝 箋 訂 書 者 少。

幷 刻 末, 伏 接腦 用 妙 錦 難裝 更 頭 庶 標, 爲 手 舊 佳。 恐 汗 可 面 佳。 也。 與 刻 至 訂 紙舊 天 滴 死 用 用 而 於 絲。 華 於書下, 套必蛀" 洒 宋元 松江 美却 蛀。 不得 地 易 然 頭 氽 已細 墨笺, 破, 而 板 幷, 未 黄 必須 綠 日 偶 雖放於紫 有 盡 補 後 不 或 模 善。不 花 箋 破 泛潮, 襯之外用護 檢 糊之 石 貼 紙 雅 點, 青 欠 若毛斧季 色 書 必致霉爛生 稍 石 檀 處, 口, 上 面, 犯潮濕亦. 綠棕色紫箋俱 或 香 好 用 再 楠 字脚欠缺不 最 宮 加 頁 匣 瀕 錦 常 汲 方 内 古 錦 綿 亦 妙, 即生 蟲, 套 藏之亦終難免。 紙 可。 閣 書 不 熨平, 然終 金箋 裝 箋用 可不 蟲, 妙。 清, 訂 :俱用高 終 內 俱 不 戡 書 深 防。 用科 非 照舊 箋 面, 雅, 古 凡 佳 最 用 僅 事。 色紙 書 舉連 惟毛氏汲古閣 手摹 俗。 補 可 宋 糊 畫 頁 飾 牋 ·標裏糊用: 法摸去一 標一 標宜 描 少 藏家 觀 藏 者 如 而 經 層, 新。看 宜 夏, 間 巴 紙 文。 簽 襯, 摺 用 官 要款, 多 平**,** 不 訂 小 去 用伏天糊標, 至 德 _ 似 者 宜 粉 於 紙 貼 錦 不 春。 見痕 染雅 川 刻, 修 要正 必若 岩 椒 最為精妙書套 補 套, 夏 白 迹, 舊 須 色, 厚襯料, 天 齊, 礬 一白製 舊 書, 眞 勿覺鬆厚眞, 不 書 摺 百 宋 襯 可 宋 訂, 部 紙 錦 古 長 元 汗 草 平伏, 色 壓 或 短 鈔 丰 細 不 邳 舊 紙

國 雕 板 源 流 考

闊

狹, 上下歪斜斯為 上耳虞山裝訂書籍講究如此聊為之記收藏家亦不可不知。 也。

曹溶絳雲 楼書目後序「賈人之狡獪者率歸虞山取不經見書楮墨稍陳,樓書目後序「賈人之狡獪者率歸虞山取不經見書楮墨稍陳, /者雖極

用 法 牽 **- 綴洗刷如** 新 觸手以薄楮襲其裏外則古錦裝褫之」

按此序不見刊本絳雲樓書目惟舊鈔本有之觀此知今裝訂之法始於明季 也古 本狭小者補,

綴後用白紙為裏四面放大北京人謂之金鑲玉揚州人謂之袍套襯。

亦世其業而其裝池却未之見不知能傳父之手工否」。

曾

六十六

中華民國二十二年四月國難後第二中華 民 國 七 年 五 月 初 ********** * 有 所 權 版 * * 究 必 印 翻 * ********* 小**國** 卷書 印發 主 著 外册埠定 刷行 緼 版版 作 所 者 (九二二) 者兼 者 酌 價 加大運洋 世武角伍 商上 王 孫 務海、 務海 分 册 印及 印河 統員 雲 書南 埠 路 館 館 修 五

一〇七八上

